

楊襄毅公本兵疏議

楊襄毅公本兵疏議卷之十五

賁成宣大山遼四鎮邊臣脩築墩堡疏

少保兼太子太保兵部尚書臣楊博等謹

題為預飭重鎮春防亟行脩守事職方清吏司案呈照

得京師地方以薊鎮昌平遼東為左輔以宣府大同

山西為右輔制馭夷虜之方薊鎮昌平自為一局主

於脩牆設險而戰寓於其中見今總督劉燾公同鎮

巡等官加意舉行無容別議宣府大同山西遼東同

為一局脩牆設險僅可阻遏零騎虜若拆牆突入地

敞兵寡勢自難禦在沿邊則當整飭烽墩以明耳目

在近邊則當脩築墩堡以便收保所謂堅壁清野必
須壁既稱堅然後野可望清近日山西兩次之警可
以為鑒即今春和土融呈乞通行四鎮一體查處以
消虜患等因案呈到部看得宣大山遼四鎮墩堡或
原設而年久頽頽或新設而被虜攻毀或散居原未
設堡或倚山聊為小寨或藏之窰洞或伏之窰窖官
府全不經心小民多屬無力橫被搶殺甘心坐視臣
博昔巡撫甘肅創為墩院之制中為一墩四面築一
小城極寬不過十丈費少易成地狹易守虜嘗擁衆
數萬突入涼州一無所掠卓有明驗所據該司具呈

前因甚於地方有益相應據實題請合候

命下移咨總督宣大尚書江表等無山西侍郎萬恭宣府
都御史李秋大同都御史等所度遼東都御史劉應
節各將沿邊火墩并近邊軍民墩堡分委守巡兵備
司道并文武官員速行估勘原有損壞者因而脩理
原未設立者從而添築如堡大入少則止據堡之一
二角墩軍民有力則令其自築軍民十分無力即將
合用銀兩逐一估計明白具奏前來以憑處發大抵
此舉全是巡撫之責果能處置得宜在官使無虛費
在民使免騷擾在虜使無侵軼方稱

聖皇委任責成至意文書到日通限半月以裏每衛每所
每州每縣各另畫一水墨小圖并委馮三官員職名巡
撫衙門徑自咨部查考一面移咨都察院轉行各該
巡按御史候工完之日親詣查勘如里不足堪保障即
將總督鎮巡等官具奏獎賞若以虛子塞責全無成
效一體指名參奏嘉靖四十四年正月十二日題奉
聖旨是着各該督撫官從實速行欽此

覆山西巡按御史楊衍慶條陳邊防疏

題為敷陳邊務以飭武備以安重鎮事職方清吏司案
呈奉本部選兵科抄出巡按山西監察御史楊衍慶

聖旨

兵部知道欽此抄出送司案呈到部看得巡按山西御史楊衍慶條陳五事蓋有感於山西先次之失欲為善後之計疏方議覆而後詔又至合就開立前件議擬上請定奪嘉靖四十四年正月十二日題奉

聖旨依擬行欽此

一簡將領以責成功大率欲將三關將領查訪選擇以稱偏關將朱瀚懦弱無策欲得忠勇之士以充其任相應依擬合無將朱瀚先行革任仍就彼監候以聽別卷問擬遺下員缺移咨總督尚書江東巡撫

侍郎馬恭會同巡按御史楊衍慶速舉謀勇堪任之人前來以憑坐補其餘闔鎮大小將官仍各逐一查訪要見某人當留某人當罷某人當調用某人堪頂補文書到日限半月以裡分別明白各另具奏

一選士卒以實營伍大率言三關兵馬撫綏無法致有逃亡欲要精加選補丁絕召募仍諭將領撫馭存恤及要查處錢糧馬匹器械等件此係闔外諸臣應行職務顯是相率廢弛徒為文具合無依其所擬移咨巡撫侍郎萬恭通查本鎮各營軍馬嚴責該管兵備各道逐一按冊挨管細加點選少壯堪役者照舊

存留者弱逃故者多乃勾募務要各足原額之數仍
既諭該營將領用心操練加意撫綏錢糧缺乏以時
請給器械朽鈍照數造補以後軍士逃亡器甲虧欠
聽撫按官不時閱視從實參究

一肅隊伍以嚴紀律大率言三關軍士惟正兵一營
頗為整肅其餘營伍不相識認不成行列欲要編定
隊伍嚴加選練無非奮武振旅之意合無依其所擬
移咨巡撫侍郎萬恭會同總兵官董一奎通行大小
將領各將新選兵馬編列隊伍設法操練務期一人
教十十八教百百人教千畫祛舊習聿新士氣通限

三月以裡巡撫親行操試將領等官操有成效者疏
名旌薦肆行玩愒者即時糾論以憑處置

一脩堡砦以防衝突大率謂沿邊堡砦頽缺塌壞不
堪防禦及至寇入民各逃竄欲要通行查處亟為脩
理查與臣等別本所議宣大山遼四鎮脩理墩堡事
體相同無容別議

一嚴烽堠以便收斂大率謂沿邊墩軍縱放貿易傳
報不明緣此失事欲要撥補墩軍委官提調稽查傳
報收斂委得脩明耳目之意合無依其所擬移咨巡
撫侍郎為恭會同總兵官董一奎嚴責各該將領通

將所屬邊墩盡數查出每墩撥軍務足十名選委勅
慎官數員分地提調各軍日夜輪流瞭望傳報如有
怠慢提墩官並該管將領各照地方坐以失慢軍機
重罪但惟前項墩軍孤懸虜境九死一生最為可憫
一切衣糧賞犒等項又在巡撫曲為議處以示優厚
覆勅遼總督侍郎劉燾分布防春兵馬發犒銀疏
題為分布兵馬以飭春防事職方清吏司案呈奉本部
送兵科抄出總督勅遼保定等處軍務兼理糧餉兵
部右侍郎兼都察院右僉都御史劉燾題奉

聖旨兵部看了來說欽此欽遵抄出送司案呈到部臣等

看得薊鎮地方密邇屬夷辰齒宣大節年防春查與防秋事體大略相同無警則當為脩守之圖有警則當為戰守之備日惟戒嚴時難怠緩所據總督侍郎劉燾具題前因十路之內既有總督鎮巡督理於上大綱已舉又有兵備副叅遊守分理於下節目更詳至於操練叅將王孟夏等兵馬以防堵截尤為萬全之慮係干邊計相應亟為議擬合候

命下備行劉燾通行鎮巡等官胡鎮劉漢溫景葵查照遵行仍各具由回奏其副總兵郭琥而下各具遵行過緣由申呈本部查考各該大小將領兵備該道如有

不行用心監督致悞事機且聽劉燾照依秋防事例一體參究及昭峇該官軍器力脩繕固其服役之常激勵人心似不可無憫勞之典查得防秋支剩賞銀止有一萬九千二百餘兩似不敷用合無聽本部再發馬價銀一萬兩差官解送劉燾處聽候支用事完一併造冊奏繳嘉靖四十四年正月十四日題奉

聖旨是欽此

覆巡撫山西侍郎萬恭議添副總兵請給旗牌疏題為急陳山西善後事宜起積弱以圖久安事職方清吏司案呈奉本部送兵科抄出提督鴈門等關兼巡

撫山西地方兵部左侍郎兼都察院右僉都御史萬
恭題奉

聖旨該部看了來說欽此欽遵抄出送司案呈到部看得
巡撫山西左侍郎萬恭條陳二事均切山西善後之
計相應開立前件議擬上請定奪嘉靖四十四年正
月十六日題奉

聖旨依議行欽此

一復副將以便控制大率謂山西原設副總兵一員
駐劄偏關後因虜犯關南遂議不用近日總兵官
秋之日移駐蔚州竟以邊防付之叅將等官法今

行顧此失彼然復設副總兵官一員募兵三千名
專駐老營地方與同總兵官分任援守查得山西地
方鴈門寧武之外藉有大同屏蔽原無虜警止是偏
老之間遇冬防一河以故額設副總兵一員駐劄偏關
于後大同失守寧鴈多事方改副總兵為總兵移駐
寧武非裁革也此以據巡撫萬恭欲要仍設副總兵一
員增兵添餉理以稱難度勢審時機不容緩合無依
其所擬將老營舊有遊兵聽遊擊照舊統領仍於該
營添設副總兵一員選募奇兵三千名以備本鎮防
河防邊之用就

萬恭會同總督尚書江東查舉謀

勇相應官二員從首具奏合用

勅書符驗牌照例請給一切應行事宜住劄責任本部查照原題事由定擬明白令其欽遵行事其募兵一節仍咨萬恭各多方召選加意操備務期士馬精強俱堪實用合用之家銀兩公廨營房衣甲等項亦聽萬恭從長議處

一請旗牌以便提督大率謂山西先年總督駐朔州總兵駐寧武各領旗牌得使監督邇年總督移駐懷來總兵聽援薊鎮一遇聲息往返稽悞欲要比照江浙保定巡撫事以特假旗牌以便提督為照山西地

方邇年以來醜虜不時侵軼極稱多事比之江浙等處更為不同巡撫大臣開府一方任大責重自當有節鉞之寄固不在於總督駐懷來總兵援薊鎮而已合無依其所擬移咨工部將令旗令牌各量給四面副件本部馬上差官齎送萬恭軍前祇領收用其餘腹裏省分原無虜情倭患者不得援以為例

覆蘇松巡按御史溫如璋議處海防疏

題為敷陳愚見議處江南兵食以飭重計事職方清吏司案呈奉本部送兵科抄出巡按直隸監察御史溫如璋題奉

聖旨該部看了來說欽此欽遵抄出送司案呈到部看得
巡按直隸御史溫如璋條陳海防三事合就開立前
件議擬上請定奪嘉靖四十四年正月十七日題奉
聖旨依擬行欽此

一脩城堡以防要害大率欲於川沙吳淞之間脩築
早寨舊城以防嘉定上海之虞劉家河港口再建小
堡一所七了白茆等處各設水船旱柵以防太倉諸
涇分路之寇開陳甚明擘畫甚詳無容別議合無依
其所擬移咨應天巡撫衙門將早寨舊城相宜增築
軍士營房查照脩蓋即於總兵營內撥軍五百名選

委蕭雲勇指揮一員統領常川防務使川沙吳松一帶血脉貫通仍於劉家河港口擇揀高阜處所立一小保責令鎮海衛官軍瞭守七了白茆等處各設兵船呈柵互相傳應務使太倉嘉定一帶聲勢連絡合用銀兩聽巡撫都御史於積有兵糧銀內隨宜支用一裁武冗以專職守大率欲將蘇松各將復駐金山團練該衛各總并調度蘇松二府地方拓林把總調在崇明統兵防守金山遊擊即行裁革查得崇明一縣四隅濱海三面臨沙西連七了白茆緊要門戶先議移駐參將提兵彈壓未必無據拓林把總已并青

本朝... 卷之三
村今又調於崇明則青村之去柘林與柘林之距金山不止五六十里事于海防似難遙度合無移咨應天巡撫衙門會同巡按御史查照原題事理從長體勘要見恭將改駐金山崇明應否止用托總防守所留兵船應得若干柘林把總青村應否又調崇明遊擊裁革之後如遇海汛查來作何策應文書到日限一月以稟明白回奏以憑裁革

一聯備禦以固海防大率欲將浙直會哨兵船通行三軍門置立哨簿委官稽查在狼山福山者遠哨於崇明在松江嘉興者深探於外洋互相策應其保地

方果能不分彼此一體相成事方有濟合無依其所
擬移咨浙直三處巡撫都御史責成各該將領照依
所管地方各將分哨船隻承委官軍逐一備造花名
文冊一樣二本明開月日填給字號分發兵備嚴行
查點按季倒換係狼山福山船隻哨至崇明而專守
三片沙一帶係松江嘉興船隻哨至外洋而會守獨
山一帶務使風汛之時同心探報以明耳目有警之
際併力遏截以守腹心如江北兵船不至三沙浙直
兵船不會獨山不拘大汛小汛有事無事各以守備
不嚴逗遛觀望之律重加治罪該道兵備不能詳加

稽考亦聽撫按衙門一體覈究

覆都給事中邢守庭等條議慎防邊覈冒功疏

題為鑒近弊以飭春防以勵邊臣事職方清吏司案呈奉本部送兵科抄出兵科都給事中邢守庭等題奉聖旨兵部看了來說欽此欽遵抄出送司案呈到部看得兵科都給事中邢守庭等具題前因大率言各邊因習之弊其失有二一謂運籌未周蓋指遼東山西二鎮兩為虜誘致失事機欲要通加防禦一謂報功未實蓋指南北報効人員依憑鑽刺冒襲功級欲要細加考覈各一節為照適年以來虜情狡詐大異曩昔

或聲西而擊東或避實而擊虛往時秋高方犯乃今
秋犯未已至於春犯春犯未已至於冬犯如魑如魅
倏忽莫測在我當事諸臣猶復拘泥常規不為綢繆
桑土之計踈略怠緩墮其術中至於各邊報功人員
原係廣收群力之意中間懦而無為貪而冒功者勢
所必有即今時政清明百弊盡剷似難藏污納垢既
經該科具題前來一則專為攘外之圖一則兼寓脩
內之計辭剷意切相應通行依擬合候

命下移文薊遼宣大山西陝西九鎮各該總督鎮巡等官
查照該科所議趁今春和務要先事設防預行哨探

一應戰守機要必詳必慎共保萬全本部與該科節
年所議事宜容臣等逐一查明備行前去令其遵行
各另回奏不許徒為文具一面通行南北總督鎮巡
各將見在聽用人員試驗武藝諳略應存留者存留
應黜革者黜革以後効用人員具告到部聽本部審
係三次武舉或異常謀勇方准咨送其錦衣衛官校
人員委有侍衛之責不得仍行告擾總督鎮巡衙門
如敢徇情故違徑收此等之人令其作弊在外聽巡
按御史在京聽平部與該科叅奏處置嘉靖四十四
年正月二十六日題奉

聖旨是欽此

覆都給事中邢守庭等論兩廣督臣奏撥不實
題為山寇為患日久重臣奏報影射乞

賜究治以示懲戒事職方清吏司案呈奉本部送兵科抄
出兵科都給事中邢守庭等題奉

聖旨兵部看了來說欽此欽遵抄出送司卷查先該提督
兩廣軍務右侍郎吳桂芳等題為懇乞

天恩優錄死事將官以勵忠勇事該本部議將賀鐸比照
任鑿事例贈都指揮使兒男襲陞二級蔡允元比照
夏正事例贈指揮使兒男廕所鎮撫仍建祠死所以

示優異僉事劉穩知府呂天恩先行住俸令其戴罪
殺賊未獲賊首備咨吳桂芳吳百朋務要協心戮力
嚴督各該兵備將領等官刻期蕩平作速回奏不得
養寇殃民自取嚴譴覆奉

聖旨是劉穩呂天恩住俸戴罪殺賊未獲賊首吳桂芳
吳百朋嚴督各該兵備將領等官刻期擒勦以靖地方
欽此通行欽遵外今該前因通查案呈到部看得兵
科都給事中邢守庭等題稱兩廣提督吳桂芳總兵
官吳繼爵南贛提督吳百朋頃因南韶賊首馬五聚
衆二千流劫兩府迺止題守備賀鐸指揮蔡允元之

死并不及民間戕殺虜掠之禍及稱吳桂芳前次叛
兵焚劫廣東省外桂芳以無虞為言該科參抄發部
足為斲案乞要將吳桂芳等分別議處或量加罰治
未獲為五并餘黨嚴行督撫鎮巡兵備等官刻期蕩
掃務絕禍胎仍行巡按御史即將傷殘地方違悞人
員細查覈奏各一節除賀鐸蔡允元已經廢敘無容
別議外為照黨詞各有攸歸功罪原不相掩以廣東
別寇言之屢成擒斬吳桂芳等自有不可泯之功以
南韶山寇言之矣報影射吳桂芳等實有不容辭之
罪所據該科題參前因詞嚴義正三臣見之亦當心

服但荆棘正冀節節除桑榆猶堪責望該科所議雅與
臣等所見相同係心干重臣相應通行議擬合候

命下將吳桂芳吳繼畝吳百朋各加罰治賊寇雖報已平
賊黨恐未盡掃本部馬上差人賫文交與吳桂芳等
仍督各該兵備將領官員通限二月以裏盡行勦除
以靖地方以後但遇賊情發作務要先行奏知不許
含糊混奏自取重究本部一面移咨都察院轉行廣
東巡按御史速將前項傷殘地方違悞人員備細查
明作速回奏嘉靖四十四年二月初五日題奉

聖旨是吳繼畝罰俸祿不吳桂芳吳百朋罰俸各二箇月

未平賊黨著上緊勦滅以靖地方欽此

覆山西巡按賞撫等官奏報功罪互異勘問疏

題為大虜入境乞

賜查究失事官員以肅邊防事職

方清史司案呈奉本部送兵科抄出巡按山西監察御史楊衍慶題前事總督宣天山西等處地方軍務兼理糧餉太子太保兵部尚書兼都察院左副都御史江東題為北虜竄眾非時入寇仰仗

天威官軍奮勇擒斬一百一十餘級并叅失事人員事提督馬門等關兼巡撫山西地方兵部左侍郎兼都察院右僉都御史萬恭題為前事鎮守山西等處地方

兼提督係州三關總兵官中軍都督府署都督僉事
董一奎題為捷音董一奎奉

聖日兵部知道欽此隨該兵科恭着得鎮守山西總兵署
都督僉事董一奎題為捷音事一節為照山西連遭
大虜則其地方荼毒之慘有未易悉數者近聞靜樂
興嵐等縣僅存城內居民耳乃猶昂昂然奏稱捷音
夫如此而謂之捷必如何而始為失事也在悖若斯
宜從抄出嚴究施行等因又該總督宣大山西尚書
江東題為遵例出塞搗巢仰仗

天威官軍奮勇斬獲首級奪獲馬牛夷器事巡撫大同地

方贊理軍務都察院右僉都御史張邦彥征西前將
軍鎮守大同等處地方總兵官前軍都督府左都督
姜應熊各題同前事俱奉

聖旨兵部知道欽此又准巡撫山西侍郎萬恭揭帖內開
董帥不可別處此人能殺賊又有調度昨各關廂無
恙乃彼之功罰其罪錄其功乃是實體昨按院驗功
俱實董帥必宜留之久任等因抄送到部通送到司
案呈到部看得山西大同巡按總督撫鎮等官各具
題前因大率言四十三年十二月十四等日大虜侵
犯山南老營堡龍鬚墩等處地方山西督撫預計於

大同撫鎮乘機發兵出塞搗巢牽虜內顧遂於二十
八日追逐出邊在山西地方巡按御史楊衍慶總督
尚書江東則叅稱叅將朱瀚守備方時春等所當重
究總兵官董一奎巡撫侍郎萬恭亦當究治及該萬
恭稱董一奎功罪相當及自劾以謝地方在大同官
軍總督尚書江東與巡撫都御史張邦珍鎮守總兵
官姜應熊則稱威遠叅將崔世榮北東路叅將楊縉
北西路叅將崔應奇中路叅將張威各督馬步官軍
俱從雲石堡寧處出塞搗巢斬獲首級二十一顆奪
獲達馬騾駝等項三百九十餘頭匹欲將有功人員

為要。其奏陞賞各一節為照山西一鎮未及兩
月兩遭虛憊始而兵將半折六損國威繼而劫掠
一空重殘民命地方益毒之慘所不忍言諸臣怠玩
之罪更復回說先該兵科都給事中邢守庭等具題
該本部議付總兵官董奎先行住俸戴罪殺賊又
該巡按山西御史楊行慶劾本論劾參將朱瀚本部
議擬革任監候所據各官具題前因臣等逐一叅詳
山西雖稱擒斬其罪什九其功什一要之巡按所論
為是中間如總兵官董奎身為主帥罪更難辭乃
敢不自引咎妄報捷音該科謂其狂悖深得其情但

巡撫侍郎萬恭再三稱其驍勇調度必欲留之巡按亦止欲重究不言革任無非因春防在近使功使過之意相應一以通行議擬合候

命下將王玉姑准望罪重一奪革去都督職銜仍於實職上重加降級一東量加罰治萬恭免究方時春革任推補一面移咨都察院轉行山西宣大巡按御史通將前項失事人員朱瀚等及虜賊出入經過地方嚴加查勘要見其為有罪無功或功難掩罪其為有功無罪或罪浮於功其為功過相準情有可原其為得失俱無法應命死山西境內功級大同境外功級是

否真正應否錄敘文書到日限一月以裏并原任巡撫都御史楊宗氣分別回奏但恩威出自

朝廷嘉靖四十四年二月初六日題奉

聖旨是董一奎革了都督職銜仍於實職上降二級江東罰俸一箇月萬恭姑免究山西邊備久弛著悉心修舉以保固重鎮欽此

覆宣大總督尚書江東分布兵馬防守南山疏

題為預布南山兵馬以飭春防事職方清吏司案呈奉本部送兵科抄出總督宣大山西等處地方軍務兼理糧餉太子太保兵部尚書兼都察院左副都御史

江東題奉

聖旨兵部知道欽此欽遵抄出送司案呈到部看得宣大山西地方密邇虜管襟帶畿甸無事則當遠加哨探明我耳目以脩衝阨之險有警則當互相聯絡齊我心力以杜窺伺之奸所據總督尚書江東具題前因就宣鎮而言主帥調度于中撫鎮分防于外勢若輔車緩急既可以相濟就三鎮而言撫鎮提調于上將領環布于下形同比擲大小又足以相維至於馬芳之護南山姜應熊之駐隆慶董一奎之駐保安首尾連應尤為萬全之慮既不失薊鎮之事機又不悞本

鎮之事務俱與本如原議相同係于邊計相應通行
依擬合候

命下備行江東通行鎮巡等官馬芳姜應熊董一奎李秋
張邦彥萬恭悉照以擬一面遵行一面回奏副總兵
張世俊而下各將巡行過緣由呈部查考各該大小
將領及兵備道等官敢有不行用心監督及時脩備
致悞邊事者俱聽總督江東叅奏處置其馬水口浮
圖紫荆一帶地方移咨保定鎮巡官尹秉衡張師載
及時脩飭共圖保障徑自奏知其老營堡遊兵一枝
凋殘之後方在振飭今歲春秋兩防暫免徵調姑候

來歲另行議處嘉靖四十四年二月初九日題奉

聖旨是欽此

請因風霾申嚴邊備疏

題為邊務事職方清吏司案呈照得本年二月十四日
午後風霾陡作恐有邊患呈乞查處案呈到部看得
蠢茲醜虜每當素淺秋深之時輒行窺伺去歲仰仗
聖皇在上神謀淵慮周悉萬全乃今時值春防忽覩風色
之異臣等待罪木兵與有內戰免賊外嚴邊備之寄
不勝屏營除一面咨行薊遼總督侍郎劉燾宣大總
督尚書江東嚴畧各該鎮巡等官將防春事宜如意

整飭選差的當夜丁分番哨探省令主客將兵晝夜
戒嚴常如虜在目前應擺邊者畫地拒守務保萬全
應策應者擐甲待戰務成三捷一面劄行巡捕提督
郭震并五城兵馬司曉諭地方居民謹慎灯火緝捕
盜賊巡捕官軍各照信地萬分嚴備外伏望

皇上少紓 聖懷以承玄祐臣等下情無任懇切祈望之
至嘉靖四十四年二月十五日題奉

旨是知道了欽此

覆廣西巡按御史黃泮報寇戕黎政黎民衷等疏
題為飛報強賊越城劫庫殺死方面官員事職方清吏

司案呈奉本部送兵科抄出巡按廣西監察御史黃
泮題奉

聖旨兵部知道欽此欽遵抄出送司案呈到部看得巡按
廣西御史黃泮題稱強賊攻劫布政司庫藏銀兩殺
死提督糧儲右叅政黎民衷并守宿兵隸鎮守廣西
副總兵王寵分巡桂林撫夷僉事朱安期都司署都
指揮僉事袁爵及府衛各巡捕官員平時失於戒嚴
臨變不能堵截乞要嚴督各官將前賊追捕及查明
之日另行叅論各一節為照廣西會城既有總兵都
司統攝兵馬又有布按府縣管理城池諸蠻雖稱連

絡於外百司自當彈壓於中乃今無一備致使強賊越城而入劫庫而出殺死方面官員如蹈無人之境失職悞事罪復何辭頗聞亦有世賴宗室為之內應係下地方相應通行議擬合候

命下本部馬上差人齎文交與提督兩廣侍郎吳桂芳總兵官吳繼爵會同巡按御史黃泮等將副總兵王龍僉事朱安期都司袁爵及府衛巡理官戴罪住俸仍自文書到日為始限半月以稟嚴飭各官即將前賊協心緝捕務在得獲失事官員應察究者指名參究應提問者徑自提問中間果有宗室一面啓王拘

繫一面查參以憑處置其參政黎日衷應否優恤亦
要一併斟酌具奏定奪嘉靖四十四年二月二十一
日題奉

聖旨是王寵等都住了俸着戴罪緝捕賊犯務在得獲欽
此

覆協理戎政尚書趙炳然條陳盜賊營務疏

題為披瀝愚衷備陳未議以飭戎務事職方清吏司案
呈奉本部送兵科抄出協理京營總兵政兵部尚書趙
炳然題奉

聖旨兵部看了來說欽此抄出送司案呈到部看得協理

京師戎政兵部尚書趙炳然條陳六事均係補偏救
弊之計但惟戎務一事臣二建白俱已周詳將領因
循音無實效尚書趙炳然以九經為喻必欲行之以
誠深中積習之弊臣等謹開立前件議擬上請伏望
聖明俯賜裁允仍乞 勅下鎮遠侯顧寰督率副叅遊守
等官從實舉行敢有仍以虛文塞責者悉聽巡視科
道官指名叅奏嘉靖四十四年二月二十一日題奉
聖旨依議行欽此

一曰議營陣以定操演大率謂該營合操止於列陣
開門裝塘衝敵不知分合變化分操銃射止於一銃

四矢五十餘步不能習熟及遠亦要責令將領倣八陣五花之制以行營加三銃三矢之數以教射無非嚴加訓練以成節制之兵之意但分練雖在於偏裨指示實由於主帥即今開操在邇亟當整飭合無備行尚書趙炳然會同顧寰悉如所擬嚴選知兵將官從實澆練歇操之日明開曾否習熟具本奏知至於銀牌昔以三錢今若減去三分之二恐無以作興士氣似尚田仍舊合用鉛子火藥移咨工部照數處發二日鋪步技以全戰兵大率謂醜虜騎射俱各利健我軍所恃惟止火器一遇賊警心膽俱怯火器易也

以致與敵不格欲要效宋人麻扎刀之制分教戰兵
各習短器既有弓矢火器推之於遠又有短兵擊之
於近議處詳密委得制虜之方合無依其所擬備行
總協大臣責令各營將領通查所部步兵除弓矢火
器隨役演射外共一應長刀利鉤鑊鏃牌之類各
擇教師分授習演務使擊刺攻殺百發百中方見成
效合用兵器移咨工部照數造辦犒賞銀每年原定
六千兩今再增銀四千兩共一萬兩俱於子粒銀內
動發年終支用如有餘剩扣作下年支用

三曰增戰兵以固車營大率謂原議戰兵車兵相為

四曰實行伍以壯城守大率謂備兵十枝額數不足
行伍不振欲要清勾揀選此與車兵一例操練一節
既可以壯城守之威亦可以備征調之選一舉兩得
合無依其所擬備行總議哭臣即將備兵一萬數內
嚴加選補如有欠少亟行清查開報本部責令管軍
主事多為驗發中間年力精壯堪以訓練者給與什
物器械量撥馬匹與同屯營之兵一體操演合用月
糧造送戶部先將清補過數目備造清冊送本部查
考

五曰足班軍以克拱衛大率謂河南山東鳳陽三都

司春秋兩班官軍每每入候班次中途逃脫一事虛
文兩相躲閃欲要申胡革以制責備兵備都司點查督
解巡撫巡查實題奏筭管發操俱要照例查考一
節查得節年事例軍一班不到者罰班半年軍兩班
官一班不到者發附近兵庸等關罰班半年官兩班
軍三班不到者發邊衛罰班一年其全班不到掌印
劄付官各提解來亦降一級調發邊衛少軍分數掌
印劄付官與該省都司任俸降調各有差等軍人止
罰工銀按月追辦遵行已久俱為詳慎但官軍起程
題報雖由撫按其處給糧補發額數實在兵備都

司尚書趙炳然欲要申明法制嚴加督發無非居重
馭輕之意合無依其所擬通行河南山東鳳陽撫按
衙門自今四十四年為始責令該管兵備等官務要
遵照前例着實舉行軍數不足挨戶清理月糧不給
委官追解一遇上班之期先行點完責付劄付解官
同赴撫按衙門掛號即行起身不得止以虛文塞責
都司衛所等官如敢踵襲前弊聽撫按據實參論不
到官軍仍照前例問擬追銀解部至於官軍到部報
名嚴加點發該營撥派班操班滿之日掣有該營府
批本部方行給批迴照以便查考

六曰錄久勞以示鼓舞大率謂三營號頭千把總等
官數多陞薦不及無以鼓舞欲要年終類造考語科
道差滿保薦以備推錄無非激勵武弁作養將材之
意但科道雖該保薦每僅一二人戎政雖註考詞
歲終多未造報即使造報亦未甄別明白有礙推用
合無斟酌所擬備行總協大臣即將前項各官不職
者不時論革外果有善加訓練勉脩職業者每半年
一次開揭送部要見某人堪任邊方某人堪任腹裏
某人

視科

以憑酌處其年終揭帖不必泛造巡
期亦要一體保薦自難遠避嫌疑

覆四川撫按官谷中虛等覬龍州土酋作亂疏

題為地方事職方清吏司案呈奉本部送兵科抄出巡撫湖廣等處地方兼贊理軍務都察院右僉都御史暫管原任巡撫四川事谷中虛巡按四川監察御史鄭洛題同前事又該谷中虛揭帖為土官大肆悖逆調集官兵擒勦以安地方事鄭洛題為悖逆土官拘辱將領勾引番夷懇乞天恩亟為擒勦以安地方以伸國法事俱奉

聖旨兵部知道欽此欽遵通抄送司案呈到部看得巡撫湖廣都御史暫管原任巡撫四川事谷中虛巡按四

川監察御史鄭洛各題稱龍州土酋薛兆乾兇狡異常
常紿縛叅將賀麟見殺害土官僉事王燁占據城池
攻打關堡阻遏糧運勾引番夷劫奪銀扛濫殺無辜
及稱見行各該官兵堵截番夷相機擒勦叅將賀麟
見踈虞失事僉事趙教處置失宜與其餘有罪人員
俱候薛兆乾獲日一併查究巡按御史鄭洛又稱地
方之變實由該道揆厥亂源於谷中虛似無干涉仍
乞轉行撫臣量集官兵擒勦各一節為照土酋薛兆
乾止緣攻訐之小忿敢肆悖逆之大惡殺害同寮拘
囚將領勾引番夷占據城池已成不道之辜豈但無

將之戒即今本犯尚未明正典刑若將參將賀麟見
僉事趙教先行查究揆之法紀殊為蕩然且巡撫谷
中虛忠誠才猷蜀人信服雖經改任湖廣必須嚴加
責成方可平寧係于地方相應通行議擬合候

下移咨都御史谷中虛會同巡按御史鄭洛督同三司
將領查照分定兵馬道路相度機宜務將前首薛兆
乾立限擒勦其餘脅從之徒不分漢人夷人俱不深
究夥內諸人能將薛兆乾擒獲獻出者寬其罪狀仍
加陞賞合用兵糧悉聽隨宜酌處參將賀麟見僉事
趙教并其餘失事有罪人員通候事寧之日一併議

奏其谷中虛必須罪人既得方許離任即使巡撫都御史劉自強已到地方亦要協同調度共成掃蕩如果文書到日谷中虛先已交代出境劉自強徑自調度不許因而推延坐快事機嘉靖四十四年二月二十九日題奉

聖旨是這土酋著劉自強會同巡按御史嚴督三司將領立限擒捕以靖地方欽此

遵諭因火備兵疏

題為欽奉

聖諭事本月初三日該內閣傳奉

聖諭昨火委非常人事尤不宜不慎欽此欽遵傳奉到部
送司案皇到部臣等仰惟

皇上以昨者之火出自非常人事不宜不慎此誠

聖人事事有備有備無患之意臣等愚昧敢不祇承除通
行五城兵馬司曉示居民謹慎燈火巡捕提督郭震
率領把總等官晝夜防範外但惟風色之異非火即
兵即目春深正屬醜虜窺伺之時入春以來節經臣
等具奏在薊鎮則分布主客兵馬且脩且守在宣大
則督勵大小將兵日密日嚴至於遼保二鎮陝西四
鎮一體申飭不敢怠緩務盡慎脩人事之實伏望

皇上少紓 聖懷以答玄佑臣等無任惶悚懇切之至嘉

靖四十四年三月初三日題奉

聖旨各着比常加慎務期寧靜欽此

覆巡視西關御史孫丕揚條陳薊鎮邊務疏

題為懇乞

聖明申飭邊臣及是時以脩戎政事職方清吏司案呈奉

本部送兵科抄出巡按直隸監察御史孫丕揚題奉

聖旨兵部看了來說欽此欽遵抄出送司案呈到部看得

巡按直隸監察御史孫丕揚具題三事均與薊鎮邊

計有益合就開立前件議擬上請定奪嘉靖四十四

年三月初五日 奏

聖旨依議行欽此

一曰軍士之疾苦不可不恤大率謂鎮各營軍士
公差私役行而空虛賞夷官錢月糧侵尅欲要定為
監臨之制嚴禁支放之奸不惟軍士得受實惠抑且
軍數不致虛存其意甚善其法甚詳今無依其所擬
備行劄鎮督撫衙門嚴行各該兵備將領等官以後
月糧支放務要分地監臨如兵備駐劄處所則會同
叅遊委官點驗監放通判駐劄處所則會同叅遊身
親唱名給散石原無理餉官員如黃花鎮三屯營諸

處亦聽巡撫何門臨時分委附近州縣廉幹官員協同支散一應逃亡軍士扣除糧餉盡行還官作正支銷每月將格迴數目開報巡按巡關御史查考前項軍職與監臨官員如有仍行侵冒寬縱等弊悉聽參奏處治

二曰關營之訓練不可不實大率謂薊鎮關營軍士御史閱視歲止一次將領僥倖計免百端欲要照依閱視之制行令該道兵備將領各隨月時較試以憑稽考賞罰不惟薊昌二鎮可行其在各邊亦當一體通行整飭合無推廣所擬一面轉行各該巡按巡關

御史歲一閱視其實回奏一面備行薊鎮昌平宣大遼東山西保定延綏甘肅寧夏固原督撫衙門通行各該兵備將領等官嚴查該管營伍各加較閱參遊將領月一舉行該路兵備季終舉行閱過分數開報巡按巡關御史以定賞罰以備舉劾該管將官尤宜身先士卒躬習武藝以為衆倡若有違悞閱期及虛應了事者聽巡按巡關御史不時參論以憑重治

三曰邊圉之隄防不可不嚴大率謂石塘嶺潮河川諸處冷口灤河一帶地方各當山水衝流勢難堵理慮恐窺犯欲要議處脩築設險防守乃責成總督鎮

巡叅遊兵備諸臣綜理查勘無非慮恐人心懈弛益加振勵之意合無依其所擬備行總督劉燾總兵官胡鎮巡撫溫景葵督率各該兵備叅遊等官通查河流要害處所相度地形各因水勢宜砌石者疊為隄障以備衝突宜蓄水者鑿為潴陂以防潰決務使人馬不通水路無害堅緻高厚足堪保障如有坍塌壞兵備道不時巡歷該管將領即加脩理每季終各將行過緣由奏知仍聽巡按巡關御史一總閱勘覆遼東巡按御史李輔條陳邊務疏

題為據竭愚忠條陳邊務以隆萬世治安事職方備史

司案呈奉 本部送兵科抄出巡按山東監察御史李
輔題奉

聖旨該部知道欽此欽遵抄出送司案呈到部看得巡按
山東監察御史李輔條陳四事均係邊方要務合就
開立前件議擬上請定奪嘉靖四十四年三月初九
日題奉

聖旨依議行欽此

一脩邊牆八畧謂遼東沿邊牆垣盡皆坍塌近雖築
有邊臺無堞坐實用欲將全鎮邊牆分作四段脩理工
役分作四年一并議牆外贖坑錢糧人夫歷歷有據相

應會計停兵及時舉行合無依其所擬備行總督劉
燾巡撫張西銘總兵官佟登會同巡按御史李輔通
將前項邊牆從實踏勘要見某為極衝如寧前錦義
委該先修某為次衝如海州遼陽委該次脩某為少
緩如開原一帶委該後脩應用錢糧若干作何處給
應用人夫若干作何處用防守脩牆官軍作何調發
并設置贖坑委官督理一應未盡事宜逐一詳議停
當畫圖貼說作速會奏以憑覆請定奪

一併遊兵大略謂該鎮入衛遊擊軍馬駐劄遼陽地
方隔離薊鎮鳥遠一經調集往返奔勞士馬疲損欲

將寧前遊兵一枝改補入衛并防抄路零寇極言其
利有四查得遼東遊兵二枝原奉

欽依各有專地今若減去一枝以後寧前有警應援不及
未免又煩議處合無備行總督劉燾巡撫張西銘總
兵官佟登即將遼陽遊兵并寧前遊兵二枝照依陝
西宣大事例俱作入衛之兵輪流入衛如每年春防
用遼陽遊兵秋防則用寧前遊兵周而復始合用
勅書本部查照換給以便欽遵行事

一實要地大率謂該鎮寧前地方乃遼東緊要咽喉
節年行伍空費醜虜窺犯欲將該鎮歷年解去各衛

新軍歸併填實并行順天等處見問軍犯依擬定發
無非充實行伍之意合無依其所擬備行順天河南
陝西山東山西等處撫按衙門今後凡有犯該充軍
人犯除永遠罪重者仍照各地方編發外一應終身
軍犯該發遼東者俱編發寧前衛所收充軍一面咨
行巡撫張西銘會同巡按御史李輔將該鎮迤東各
衛歷年解去新軍盡數查出轉發寧前著伍填住至
於分別精強等第給糧差遣等項事宜悉如所擬徑
自施行及照寧前各衛與山海關止隔一牆各處文
軍人犯多係無賴之徒越關脫逃勢所必有合無飭

行該關主事孫應元嚴加禁詰果有私迯者查出重治仍押發彼處官司守取回照查考

一明賞罰大略謂邊方將領犯罪未結又復當緣陞用獲功軍士給賞遲緩致有冒買弊端欲將緣事將領勘明收錄獲功軍士給銀待賞除賞功銀兩係隸禮部移咨徑日查議外查得各處軍門立功與起用廢閑將領節經本部題奉

欽依俱係勘明原罪効無贓犯之人南北獲功人員又有欽限覈勘日期遠者兩箇月近者一箇月以裏候議陞錄俱經通行遵依去後御史李輔復行論列無非慎明

功過之意合無依其所擬備行各邊總督巡撫衙門
通將在任將領與立功報効人員查有先任緣事未
經結絕者俱聽原問衙門通行勘理係見任者抄由
發落干礙事重發回歸結係報効者徑自發回歸結
如敢占愴不發及曲為回護巡按御史指名叅奏南
北各處功次文書到日仍照本部原限勘報各該承
委司道延遲不勘亦聽巡按從實叅論

覆宣大巡按御史胡維新條陳邊務疏

題為際

聖世竭愚忠以裨邊政事職方清吏司案呈奉本部送兵

科抄出巡按直隸監察御史胡維新題奉

聖旨兵部知道欽此欽遵抄出送司案至到部看得巡按直隸監察御史胡維新條陳八事均於邊防有益相應開立前件議擬上請定奪嘉靖四十四年三月初九日題奉

聖旨楊宗氣浪循著回籍聽勘其餘依擬行欽此

一議撫賞以結夷心大率謂四海沿邊等處屬夷每年撫賞官銀止于一千二百餘兩銀少夷多數不足用此外扣除軍糧轉運費用以致承委之人侵欺剝削欲要預為措置親給散以示實惠無非攘外

安內之意合無依其所擬備行宣府巡撫都御史李秋總兵官馬芳將該鎮所管夷人種落買辦牛羊段布合用銀兩通行計筭覓見原額官銀若干即今所費若干如有不足許於商稅地租銀兩照數補給如再不敷具由奏請一應撫賞之物嚴行承委官員預期買辦俱赴巡按御史查驗明白轉發該道叅將官收貯一遇該賞之時總兵官會同該道親詣地方逐一唱名撫散其扣軍月糧補賞之弊務要痛加禁革該管官員通夜人等敢有仍前虛冒任意侵欺者坐

贓治罪

慎咨送以節浮費大率謂各邊軍門咨送人員悉
為報効贖畫實乃虛費糜糧實緣陞賞欲要本部嚴
加考試該鎮總督撫按分別勤惰委得杜絕倖進之
意但查報効人員節經兵科具題本部覆奉

依通行總督鎮巡各將見在員役試驗武藝韜略應存
應黜徑自處置以後具告人員本部審係三次武舉
及異常謀勇方准咨送其錦衣衛官校人等俱有侍
衛之責不得仍行告擾已經通行欽遵去後查與御
史胡維新所奏大略相同合無斟酌所議移咨都察
院轉行沿邊沿海巡按御史會同總督巡撫官通將

本鎮聽用人員嚴加試驗應留應革從實舉行仍另
本具由回奏以後果有奇謀異材堪以委用者聽本
部奏奉 明旨方許咨送以杜紛紛告擾之弊

一嚴閱視以臻實效大略謂宣大之兵居常無教臨
陣無法以致見虜輒懼禦侮難支欲要比照薊鎮補
練事例着落巡按御史或差部屬一員各行閱視查
與本部議覆御史孫丕揚之奏事體相同合無申明
前議移咨都察院轉行巡按宣大御史將二鎮兵馬
照依薊鎮補練事例每年於春防畢日各隨軍士習
定武藝逐一嚴加較閱要見其營射打分數為多其

管將領為優其鎮積分為少其鎮將領不肖分別上中下等次第酌量陞賞降罰輕重具實奏請其叅遊將領月一閱視該路兵備季一閱視悉如御史孫丕揚新議施行一面移咨總督鎮巡等官悉心幹理中間果有虛應故事者悉聽巡按御史一體叅治其部屬官不必議差

一明職掌以慎官守大率謂沿邊叅遊都司管屯巡捕各衛佐二等官不辨軍民職務濫接詞訟妄行追罰以致地方貽害軍民殘累欲要申明條例嚴加禁止無非釐革貪殘之意合無依其所擬通行各邊督

撫衙門今後但係刑名事情軍民詞訟俱要批行各該兵備守巡道從公勘理不得驟委軍職妄肆問罰贖取賍賄仍嚴行軍衛各該大小掌印軍政等官各照職掌體統分理屯種清軍事務其餘一應佐二官不許擅自接受掌印官不得輒行分斷中間敢有強攬受理希圖科罰者兵備守巡道即指實查舉聽巡按御史從重叅究

一期同心以革弊習吳率謂宣天山西各鎮唇齒相連當事臣工將帥不能同舟共濟各別彼此致悞事幾欲要申諭督撫諸臣身先為倡開誠布公總副將

領戮力相濟反覆開陳深中二鎮積習之弊且與本

部節經題奉

欽依事體相同合無依其所擬備行總督鎮巡衙門并各該大小將領今後務要秉公敦誼協力齊心在一鎮則切同室之戚在各鎮則敦比隣之好無事則上下相權有警則彼此策應共保萬全果有妬功嫉能通賄嫁禍致壞邊事者悉聽巡按御史指名叅奏輕則提問重則拿解處置以示懲戒

一均戍卒以節勞逸大率謂南山聯墩戍卒不分警報有無虛費行糧且多言放欲要於冬夏無警之時

在墩分為班次下班停止行糧管墩把總等官量減
數員殊得節勞省費之意合無依其所擬備行宣府
總督鎮巡等官將南山四海冶等處守墩軍人春秋
有警之時各要嚴加稽查全班擺守其餘夏深冬殘
遠為哨探如果實無北虜住牧蹤跡酌量衝緩或令
分班或令半支并管墩把總官員應否量減數員徑
自施行平時如敢公行賣放臨期如敢故行員支悉
聽管糧衙門查究處治

一嚴勸懲以鼓士氣大率謂去歲山西老營堡之寇
勢極猖獗遊擊梁平守備祁謀力戰陣亡情當優恤

巡撫楊宗氣副使張循反欲坐梁平祁謀以輕率之
罪以掩己之失事欲要將梁平祁謀之死查明早賜
恤典楊宗氣等分別究黜毋使再濫仕籍查得前項
事宜先該巡按御史楊衍慶兵科都給事中邢守庭
等先後具題節經本部覆奉

欽依備行巡按御史立限查勘未見回奏合無將楊宗氣
張循行令回籍聽勘一面移咨都察院轉行巡按山
西御史查照先今事理備將遊擊梁平守備祁謀陣
亡情節速行勘報應得卹典即與同起死事官軍一
併議奏其楊宗氣張循有無隱匿等項情弊并地方

誤事人員亦要一體分別具奏不許延緩

一謹脩築以固疆圉大率謂宣大二鎮該脩墩堡數

多止有守巡六道顧慮不周河南班價銀兩料理不

給欲要比照陝西城堡道專設一官以便監督量借

各項銀兩以為工費除脩工銀兩先該臣等議題聽

總督江東等分委各道估計開數另行處發其軍門

果有地租數萬都司果有註調等銀亦聽督撫徑自

酌處外所據添官監督一節查得舊例宣府止有分

巡道一員大同止有守巡道二員近來添設四道官

已過多分地責成自足辦理合無嚴行各官督同大

小文武委官及時整飭不許因而推避致悞邊計

覆巡撫寧夏都御史王崇古條議邊防疏

題為審時度虜預圖因革以備戰守以維重鎮事職方
清吏司案呈奉本部送兵科抄出巡撫寧夏等處地
方都察院右僉都御史王崇古題奉

聖旨該部看了來說欽此欽遵抄出送可案呈到部看得
巡撫寧夏都御史王崇古條陳三事均切西夏要務
合就開立前件議擬上請定奪嘉靖四十四年四月
初八日題奉

聖旨依議行欽此

一度虜勢以預秋防大率謂本鎮孤懸諸虜盤據往
歲防秋止備河東一路恐秋高馬肥套虜東犯大牆
山後虜酋西犯沿山諸口則中衛與固靖蘭鞏皆可
就至欲將秋防各營兵馬照今分布要害畫地自守
入衛回鎮奇兵令在城休養以備各路策應如兵馬
不敷聽軍門將固原洮河各兵調發擺守查得寧夏
一鎮河東西均係軍門所轄先年專重河東花馬
池一帶防守以故河西鎮城一帶極其空疎所據巡
撫此議以為明盡但兵家之事貴乎未戰間外之機
難以遙度合無備行總督都御史郭乾督同王崇古

及總兵官吳昂將分布兵馬一事再行計議務要肅
悉萬全不致顧彼失此一面徑行一面具由回奏
一請給馬價專備入衛大率謂該鎮來歲入衛遊兵
約該補馬二千餘匹本鎮無從處給乞要給發馬價
銀兩或于陝西苑馬寺銀內轉發買補以後入衛兵
馬回日在京在途倒死者或給補寄養馬匹或給馬
價領回收買回鎮倒死者自行轉買查得該鎮入衛
兵馬節經本部議發苑馬寺茶馬又將陝西三鎮入
衛遊兵總發馬價銀四萬二千三百六十兩其在藪
鎮又題補過官軍倒死馬一千二百匹來歲馬價似

難再發但入衛之兵關係重大撫臣之議極其詳懇似難拘於常例合無於太僕寺馬價銀內動支二萬兩差官運送王崇古處收買臆壯好馬二千匹補給來歲入衛官軍騎征事完造冊奏繳青冊送部以後缺馬本鎮自行處補不得再行奏討

一議使過以恤遣調大率謂寧夏邊地衝難乏人委用欲要比照近議起廢事例將該鎮各衛先以才勇著名將領節被地方失事罪犯充發別鎮中間年力精壯情罪頗輕才勇可用者取回發原衛充軍委用責效自贖查得該鎮原係極邊去處該充附近軍者

定之本處例分於例自無相妨該充邊遠軍者定之
本鎮稍遠港兩分於法亦足示戒但罪犯輕重不同委
難槩處合無斟酌所擬備行巡撫王崇古將本鎮將
官見充別鎮軍者通行查出必須止是因公誣誤或
地方失事者方許移咨各該巡撫衙門取回本鎮仍
充軍役量行委用果能建立奇功照例贖敘如或年
久無功或再犯別罪仍發原定衛所照舊充軍一面
將取回姓名開坐所犯事由具奏查考其稱以後本
鎮為事充軍立功職官俱聽該部調發本鎮各衛所
充軍立功陝西撫按衙門以後遇有本鎮各衛軍餘

犯該調衛軍人犯即於本鎮各衛充調以實行伍
似無窒礙悉如所擬一體施行

覆巡撫四川都御史谷中虛擒龍州土酋敘功疏
題為仰仗 天威官兵全捷逆酋擒獲地方已寧分別
功罪以昭勸懲事職方清吏司案呈奉本部送兵科
抄出巡撫湖廣等處地方兼贊理軍務都察院右僉
都御史暫管原任巡撫四川事谷中虛題奉

聖旨兵部知道欽此欽遵抄出送司卷查嘉靖四十四年
二月內本部題為地方事該巡撫湖廣都御史暫管
原任巡撫四川事谷中虛巡按四川監察御史鄭洛

各題稱龍州土酋薛兆乾聚兵占據城池攻打關堡
勾引番夷濫殺無辜等因該本部議擬覆奉

欽依咨行調兵擒剿去後今該前因通查案呈到部看得
巡撫湖廣都御史暫管原任巡撫四川事谷中虛題
稱龍州土酋薛兆乾大肆悖逆封授偽官聚兵攻堡
據險稱亂阻遏糧運煽動諸番會同巡按四川監察
御史鄭洛督同三司將領調集官兵分哨並進奪險
搗巢生擒酋首薛兆乾并同謀惡黨擒斬殆盡地方
已寧叅稱東路左叅將賀麟見奸佞猾柔反覆規避
兵備僉事趙教存心刻深行事乖僻龍州把總指揮

使石存仁管操千戶程遠王良臣百戶盛恩謝仁王
官知事康時寧均有防守之責難逭失事之愆及稱
巡按御史鄭洛監察有功四川都司署都指揮僉事
王詔原任副總兵程規帶管松潘兵備布政司右叅
政魏文煊所當陞賞原任都指揮田茂盛等布政司
分守川西道右叅政孫應鰲等均當優賚各一節除
巡按御史例不論功外為照逆首薛兆乾世受

國恩自干

天憲拘將攻城明犯無將之戒通番阻餉大彰不道之心
巡撫都御史谷中虛乃能督率官屬矢心戮力多方

搜勦未及月餘元惡就擒地方賴以安全番夷因而
屏息功當首錄至於一時效勞諸臣并失事人員相
應通行議處合候

命下將谷中虛先行重加賞賚以示優異本部移咨都察
院轉行四川巡按御史即查王詔程規魏文煇應否
陞賞田茂盛孫應鰲等應否賞賚一面將薛兆乾并
有名逆黨查照律例從重問擬一面將賀麟見趙教
石存仁程達王良臣盛恩謝仁康時寧行提問罪獲
功陣亡中傷員役逐一勘明一併造冊具奏但

恩威出自

朝廷嘉靖四十四年四月初九日題奉

聖旨是谷中虛賞銀二十兩紵絲二表裏賀麟見等巡按御史提問具奏欽此

覆陝西總督都御史郭乾等延寧二鎮獻捷疏

題為恭報捷音事職方清吏司案呈奉本部送兵科抄出總督陝西三邊軍務都察院右都御史兼兵部右侍郎郭乾題奉

聖旨兵部看了來說欽此又該巡撫延綏等處地方都察院右僉都御史胡志夔鎮西將軍鎮守延綏總兵官中軍都督府都督同知趙奇各題同前事總督陝西

三邊軍務都察院右都御史兼兵部右侍郎郭乾題
為套虜竄邊撲殺哨役官軍遵例搗巢克捷事巡撫
寧夏等處地方都察院右僉都御史王崇古題為套
虜擁衆踏水分道窺邊撲殺哨役官軍遵奉

欽依搗巢血戰斬獲首級奪獲戰馬夷器大致克捷事征
西將軍鎮守寧夏總兵官指揮僉事吳昂題俱奉

聖旨兵部知道欽此隨該兵科叅看得鎮守寧夏總兵官
吳昂巡撫寧夏右僉都御史王崇古各題前因為照
推援敘述交互薦揚奉有明禁各宜遵守今寧夏鎮
巡官何乃復蹈徃非自相褒美在巡撫則盛稱總督

之績已屬垂遠而且以總督與總兵並言益非體統然巡撫有綜覈之責猶之可也而吳鼎藉以會稿效尤狂悖甚矣安有節制於人者反薦其大帥獻諛導導不置口乎此非清時所宜者也合從抄出行令省改所獲功級仍嚴查的實施行等因通抄送司查得大明會典內一款一報捷官舍人等以擒斬虜賊多寡為等第七十名顆以上賞衣服一套九十五名顆以上賞鈔一千貫陞一級一百一十名顆以上賞衣服一套陞試所鎮撫欽此今該前因案呈到部看得總督陝西三邊軍務右都御史郭乾巡撫延綏右僉都御

史胡志夔鎮守延綏總兵官都督同知趙岢各題稱
本年二月初八日督發官兵出邊搗巢得獲首首
羅台吉斬獲首級一百三十四顆奪獲達馬駝牛四
百餘隻頭匹夷器二千五百餘件在總督郭乾要將
巡撫胡志夔總兵趙岢分別甄錄獲功陣亡官軍轉
行巡按御史查勘陞賞在巡撫胡志夔總兵趙岢俱
稱總督郭乾功當首論榆林邊備僉事曾震副叅等
官何其昌等均當優敘并要行巡按御史分別查勘
又該總督右都御史郭乾巡撫寧夏右僉都御史王
崇古鎮守寧夏總兵官指揮僉事吳鼎各題稱本年

正月十六日督發官兵出邊搗巢斬獲首級七十一顆奪獲戰馬六十餘匹收獲夷器九百四十餘件在總督郭乾要將巡撫王崇古優錄總兵吳昂姑復原職獲功陣亡官軍查勘陞賞在巡撫王崇古總兵吳昂俱稱總督郭乾功當首論總理糧儲戶部郎中蔡國熙寧夏兵糧道僉事謝甫叅將等官吳高等書吏掾史俱應分別甄錄并要將獲功官軍覈勘陞賞各一節除書吏近奉

明旨不許論功外為照延寧二鎮出邊搗巢之功在延綏多至一百三十名類以上則為大捷在寧夏已至七

十名顆以上則為小捷均與會典開載相同例當賞捷但總督鎮巡互相稱獎委非政體所宜寧夏既承訛於先延綏又襲謬於後該科據事查參詞嚴義正係干激勸相應通行議擬合候

命下將郭乾特加賞賚趙哥胡志夔重加賞賚吳鼎王崇古同加賞賚一面移咨都察院轉行彼處巡按御史通將總督鎮巡并將領守巡等官逐一查議要見何官已賞仍該陞級何官止該陞級何官止該賞賚何官應該准贖何官應該敘錄并要將獲功陣亡中傷員役覈勘明白一併具奏其總督鎮巡衙門奏捷官

承少候功次勘明之日照依會典事例另行分別陞賞本部仍通行南北督撫總兵等官以後獲功不許彼此交敘有傷大體但 恩威出自

朝廷嘉靖四十四年四月十八日題奉

聖旨是郭乾賞銀四十兩紵絲二表裡趙奇胡志夔各三十兩二表裡吳昂王崇古各二十兩二表裡功次着巡按御史上緊勘報近來奏捷官陞賞太濫你每還查議來說欽此

覆福建巡按御史陳萬言等報賊首吳平叛
題為賊黨叛招敗遯出海乞

勅開廣二省督撫諸臣及早協勦以安地方事職方清吏
司案呈奉本部送兵科抄出巡按福建監察御史陳
萬言題奉

聖旨兵部着了來說欽此又該提督軍務兼巡撫福建地
方都察院右僉都御史汪道昆題為類報賊情事又
該本官題為捷音事俱奉

聖旨兵部知道欽此欽遵通抄送司卷查先該提督兩廣
右侍郎吳桂芳咨為飛報海洋強賊事內稱賊首吳
平等背招復叛劫掠沿海地方已經本部通行兩廣
南贛福建各巡撫衙門會同各總兵官協勦去後今

該前因查呈到部有得巡按福建御史陳萬言巡撫
都御史汪道昆各題稱原撫賊首吳平等據巢叛招
糾衆劫掠乞要嚴行廣閩督撫諸臣會同協勦及稱
總兵官戚繼光等監督兵舡擒斬賊徒巢穴悉平各
一節為照逆賊吳平等陰逆陽順乍叛乍臣在福建
雖巢穴悉平在塵未則黨與甚衆二省均係

朝廷地方出此入彼難以隣境為壑各官均係

朝廷臣子同休共戚當由以滅賊為期係干兵機相應亟
為議擬合候

命下本部馬上差人移咨侍郎吳桂芳巡撫吳百朋汪道

昆會同鎮下總兵官吳繼爵俞大猷戚繼光等嚴督水陸大小將領統率精銳軍兵各於通賊要路協力夾勦其吳平或生擒或斬首務見下落以除禍根不得再以招撫為詞因循玩愒貽害地方一面出給告示曉諭賊黨有能擒縛吳平率眾來降者免其罪狀仍議獎犒一面備咨都察院轉行各該巡按御史親行監督事寧之日通將有功有罪人員分別具奏見今用兵之際中間果有不肯協心逗遛觀望者先行指名參奏以憑究治其雲霄鎮應否發兵一枝與同詔安縣機兵嚴加防守亦聽汪道昆戚繼光從長計

楊東坡先生詩集卷之三 四十一
處會奏定奪嘉靖四十四年四月十八日題奉

聖旨是這強賊着各該督撫等官協力夾勦以靖地方不許妄分彼此及以招安為名養寇貽患欽此

楊東毅公本兵疏議卷十五終